

言
紀述洪門革命史實謹祝
論
中國洪門民治黨成立大會之慶

古巴周在清

粵自天庭高遠。輪迴之說難憑。運會興衰。覆育之功在邇。良以文字有靈。徵應不爽。善緣成果。端在人爲。近則成功以成名。蒼生被澤。遠則再接再勦。青史流徽。緬維五祖之嵩嶽降靈也。生性忠誠。宅心義俠。弔民有責。報國爲懷。值天地陰靈之會。適宗邦累卵之秋。斬木誓師。援救水深火熱之疾苦。揭竿舉義。湔除獸蹄鳥迹之汚痕。

無如人事雖盡，胡運未衰，落鳳有坡，歎蒼天之曠曠，臥龍無計，拯大地之元元。故而反溯溯源，別尋勸復之蹊徑，鉤玄稽輿，訂爲奮鬥之方良。與其終老名山，吾身獨善，曷若聯盟結社，大任同肩。差幸人心未死，事尙可爲，由是木楊舉義，龍虎誓師（江西龍虎山）開民族革命之先河，抱復國安民之宏愿，此舉轟轟烈烈，正正堂堂，事雖未成，亦作喚醒黃魂之教訓，勉期後起，會有收復赤縣之成功。自是而後，徂此志也，留其忠，傳其兄也及其弟，待時而動，伺機而興，藉文字以宣傳，憑口號而結納，從此醜虜自投網羅，奸回難逃斧鉞，辛亥義師一起，滿清帝位卽傾，此種質天地，泣鬼神，尊先師，重手足，一種相傳之厚道，萬派同源之主義，吟域無分，平等待遇，誠足風矣，儻不欽哉！慨自胡虜肆虐，皂白不分，皇漢頹微，忠貞殞落，事仇者視顏，株連者受禍，呂晚村之掘塚戮屍，良有以也，金瑞

人之殺頭棄市，豈徒然哉。

（未完）